

## ZAPISNIK

sa prve vanredne sjednice Upravnog odbora Univerziteta u Tuzli  
održane **utorak 09.11.2021. godine**, sa početkom u 13,00 sati u Sali za sjednice Rektorata Univerziteta  
u Tuzli

Sjednici su prisustvovali: predsjednik Upravnog odbora dr.sci. Semir Ahmetbegović, vanr.prof., te članovi: Adela Mustafagić Šaldić, Amela Dedić, dr.sci. Kenan Mandžić, red.prof, i Amra Šehić, student.

Sjednici, iz opravdanih razloga, nisu prisustvovali članovi: Omer Beširović, Suad Hasanović, dr.sci. Anita Petrović, vanr.prof i dr.sci. Franc Andrejaš, vanr.prof.

Osim članova Upravnog odbora sjednici su prisustvovali: generalni sekretar Jasmina Berbić, dipl.pravnik, šef Službe za pravne, kadrovske i opšte poslove Šejla Fazlić, dipl.pravnik, te u svojstvu izvjestioca po pojedinim tačkama dnevnog reda: direktor za ekonomske poslove Husein Matović, dipl.ecc i dr.sci. Aljo Mujčić, red.prof.

Predsjednik Upravnog odbora konstatovao je da postoje uslovi za rad i odlučivanje na sjednici u skladu sa Poslovníkom o radu, te je otvorio prvu vanrednu sjednicu Upravnog odbora.

Predsjednik Upravnog odbora predložio je da se dnevni red dopuni tačkom 6. "Razno" u okviru koje će se pod tačkom 6.1. razmatrati "Mišljenje resornog Ministarstva u vezi iznosa školarine i participacije na sva tri ciklusa studija za strane državljane i lica bez državljanstva".

Obzirom da nije bilo diskusije po predloženom dnevnom redu za ovu sjednicu jednoglasno usvojen sljedeći

### DNEVNI RED:

1. Utvrđivanje Prijedloga Pravilnika o izmjeni Pravilnika o unutrašnjoj organizaciji i sistematizaciji radnih mjesta (Drugi Prečišćeni tekst).
2. Razmatranje završnog Izvještaja o realizaciji projektnih aktivnosti na Erasmus+projektu
3. Donošenje odluke o izmjenama Odluke o usvajanju Plana nabavki za 2021. godinu
4. Razmatranje Žalbe ██████████ broj: 04-5950-1/21 od 01.11.2021. godine na Konkursnu proceduru za prijem u radni odnos na radna mjesta: "Stručni saradnik" u Uredu za nastavu i studentska pitanja i "Viši stručni saradnik" u Odjeljenju za javne nabavke i investicije.
5. Razmatranje Prigovora ██████████ broj: 04-6047-1/21 od 03.11.2021. godine na Obavijest broj: 01-4921-1-IV-6.39/21 od 25.10.2021. godine o prijemu u radni odnos na radno mjesto "Stručni saradnik" u Uredu za nastavu i studentska pitanja.
6. Razno
- 6.1. Mišljenje resornog Ministarstva u vezi iznosa školarine i participacije na sva tri ciklusa studija za strane državljane i lica bez državljanstva.

### **TAČKA 1.**

**Utvrđivanje Prijedloga Pravilnika o izmjeni Pravilnika o unutrašnjoj organizaciji i sistematizaciji radnih mjesta (Drugi Prečišćeni tekst).**

Šef Službe za pravne, kadrovske i opšte poslove Šejla Fazlić, dipl.pravnik obrazložila je Prijedlog Pravilnika o izmjeni Pravilnika o unutrašnjoj organizaciji i sistematizaciji radnih mjesta te upoznala članove Upravnog odbora da je Ministarstvo za obrazovanje i nauku Tuzlanskog kantona na isti dalo pozitivno Mišljenje, nakon čega je Upravni odbor utvrdio Prijedlog

## P R A V I L N I K A

### O IZMJENI PRAVILNIKA O UNUTRAŠNJOJ ORGANIZACIJI I SISTEMATIZACIJI RADNIH MJESTA

#### -Drugi Prečišćeni tekst

#### Član 1.

U Pravilniku o unutrašnjoj organizaciji i sistematizaciji radnih mjesta – Drugi Prečišćeni tekst (broj: 04-8813-2/12 od 30.10.2012. godine, broj: 04-8658-9b/13 od 26.11.2013. godine, broj: 04-145-5/15 od 22.01.2015. godine i broj: 04-7066-3/16 od 05.10.2016. godine), u članu 26. poglavlje II "SEKRETARIJAT UNIVERZITETA", uslovi radnog mjesta pod rednim brojem 54. "DOMAR" mijenjaju se i glase: "SSS -

završena srednja škola tehničkog smjera u četverogodišnjem trajanju sa jednom godinom radnog iskustva u struci."

### Član 2.

(1) Radnici koji su na dan stupanja na snagu ovog Pravilnika zatečeni na radnom mjestu "Domar", a ne posjeduju stručnu spremu iz člana 1. ovog Pravilnika, dužni su istu steći najkasnije u roku od dvije godine od dana stupanja na snagu ovog Pravilnika s tim da se istim, kao odgovarajuće, priznaje radno iskustvo stečeno prije doškoloavanja.

(2) Ukoliko radnici iz stava (1) ovog člana u ostavljenom roku ne steknu stručnu spremu iz člana 1. ovog Pravilnika rasporedit će se na radno mjesto "Portir".

(3) Obaveza doškoloavanja iz stava (1) ovog člana ne odnosi se na radnike koji u narednih pet godina od dana stupanja na snagu ovog Pravilnika ispunjavaju uslove za prestanak ugovora o radu u skladu sa članom 94. tačka c) ili d) Zakona o radu ("Službene novine Federacije Bosne i Hercegovine", broj: 26/16, 89/18 i 23/20) i isti mogu i dalje obavljati poslove radnog mjesta na kojem su zatečeni u momentu stupanja na snagu ovog Pravilnika.

### Član 3.

Ovaj Pravilnik stupa na snagu danom donošenja.

### TAČKA 2.

#### **Razmatranje završnog Izvještaja o realizaciji projektnih aktivnosti na Erasmus+projektu**

Voditelj Erasmus+ projekta "BENEFIT" [REDACTED], obrazložio je članovima Upravnog odbora završni izvještaj na navedenom projektu, nakon čega je Upravni odbor jednoglasno donio

### Z A K L J U Č A K

Usvaja se Izvještaj o realizaciji projektnih aktivnosti na Erasmus+projektu "BENEFIT" voditelja dr.sci. [REDACTED], broj: 04-5447-1/21 od 12.10.2021. godine, podnesen Upravnom odboru Univerziteta.

### TAČKA 3.

#### **Donošenje odluke o izmjenama Odluke o usvajanju Plana nabavki za 2021. godinu**

Direktor za ekonomske poslove upoznao je članove Upravnog odbora da se Studentskog centra, obratio zahtjevom da se izvrši dopuna Plana nabavki za iznos sredstava koja su odobrena rebalansom budžeta Tuzlanskog kantona na ime troškova smještaja „Karantina“ u Paviljonu I u aprilu 2020. godine te da je viši stručni sradnik u Odjeljenju za javne nabavke, predložila da se izmjeni iznos i vrsta postupka kod stavke 81. Nulti pregled studenata Medicinskog fakulteta iz razloga što je zbog pandemije korona virusa, „nulti pregled“ studenata Medicinskog fakulteta (odsjek zdravstveni studij) iz dvije akademske godine neophodno obaviti u jednoj bužetskoj godini.

Nakon održane diskusije Upravni odbor jednoglasno je donio

### ODLUKU

**o izmjeni i dopuni Odluke o usvajanju Plana nabavki Univerziteta u Tuzli za 2021. godinu broj : 04-1336-1-4/21 od 15.03.2021. godine, broj : 04-2612-1-4/21 od 03.06.2021. godine broj : 04-3351-1-4/21 od 21.07.2021. godine, broj: 04-4001-1-8/21 od 07.09.2021. godine, broj: 04-5017-1-6/21 od 30.09.2021. godine i broj: 04-5416-1-6/21 od 18.10.2021. godine**

### I

U tački I Odluke o usvajanju Plana nabavki Univerziteta u Tuzli za 2021. godinu broj: 04-1336-1-4/21 od 15.03.2021. godine, broj : 04-2612-1-4/21 od 03.06.2021. godine, broj : 04-3351-1-4/21 od 21.07.2021. godine, broj : 04-4001-1-8/21 od 07.09.2021. godine, broj : 04-5017-1-6/21 od 30.09.2021. godine i broj : 04-5416-1-6/21 od 18.10.2021. godine  **dodaje se nova nabavka pod rednim brojem: 30.1 i glasi :**

R. br	Fakultet/	Ekon kod	Predmet javne nabavke	Finan siranje iz	Vlastiti prihodi	Primljeni tekući	Ukupno (5+6+7)	Vrsta postupka	JRJK	Napomena
-------	-----------	----------	-----------------------	------------------	------------------	------------------	----------------	----------------	------	----------

	org-je dinica			budžeta KM bez PDV	KM bez PDV	transferi i donacije KM bez PDV				
1.	2.	3.	4.	5.	6.	7.	8.	9.	10.	11.
30.1	SC	6134	Nabavka madraca za studentske domove Studentskog centra	14.807,0 0			14.807,00	Konkuren tski zahtjev za dostavu ponuda	39143112- 4	

**Mijenja se iznos i vrsta postupka kod nabavke pod rednim brojem 81. i glasi:**

R. br	Fakul tet/ org-je dinica	Ekon kod	Predmet javne nabavke	Finan siranje iz budžeta KM bez PDV	Vlastiti prihodi KM bez PDV	Primljeni tekući transferi i donacije KM bez PDV	Ukupno (5+6+7)	Vrsta postupka	JRJN	Napomen a
1.	2.	3.	4.	5.	6.	7.	8.	9.	10.	11.
81	MED	6139	Nulti pregled studenata odsjeka zdravstvenih studija		8.500,0 0		8.500,00	Član 8. stav (1) ZJN	85121200- 5	

## II

U koloni 5 – Finansiranje iz budžeta i koloni 8 -Ukupno mijenjaju se ukupni iznosi na ekonomskom kodu 6134 i iznose 182.307,00 (kolona 5) i 443.051,10 KM bez PDV (kolona 8).

U koloni 6 – Vlastiti prihodi i koloni 8 -Ukupno mijenjaju se ukupni iznosi na ekonomskom kodu 6139 i iznose 302.500,00 (kolona 6) i 337.970,00 KM bez PDV (kolona 8).

U koloni 5 – Finansiranje iz budžeta, koloni 6 – Vlastiti prihodi i koloni 8- Ukupno mijenjaju se ukupni iznosi Plana nabavki za 2021. godinu i iznose: 256.665,00 bez PDV (kolona 5), 2.208.936,00 (kolona 6) i 3.287.381,00 KM bez PDV (kolona 8).

## III

U ostalom dijelu Odluka o usvajanju Plana nabavki Univerziteta u Tuzli za 2021. godinu broj: 04-1336-1-5/21 od 15.03.2021. godine, broj: 04-2612-1-4/21 od 03.06.2021. godine, broj: 04-3351-1-4/21 od 21.07.2021. godine; broj : 04-4001-1-8/21 od 07.09.2021. godine, broj : 04-5017-1-6/21 od 30.09.2021. godine i broj : 04-5416-1-6/21 od 18.10.2021. godine ostaje nepromijenjena.

## IV

Ova Odluka stupa na snagu danom donošenja.

### **TAČKA 4.**

**Razmatranje Žalbe [REDAKCIJA] broj: 04-5950-1/21 od 01.11.2021. godine na Konkursnu proceduru za prijem u radni odnos na radna mjesta: "Stručni saradnik" u Uredu za nastavu i studentska pitanja i "Viši stručni saradnik" u Odjeljenju za javne nabavke i investicije.**

Šef Službe za pravne, kadrovske i opšte poslove upoznala je članove Upravnog odbora sa odredbama člana 33. stav (1) i 34. stav (1) Pravilnika o radu Univerziteta u Tuzli te da je žalitelj Odluku o prijemu u radni odnos na radno mjesto "Stručni saradnik" u Uredu za nastavu i studentska pitanja zaprimio 03.11.2021. godine, a Odluku o prijemu u radni odnos na radno mjesto "Viši stručni saradnik" u Odjeljenju za javne nabavke i investicije 06.11.2021. godine.

Kako je Žalba podnesena 01.11.2021.godine, to je u smislu člana 34. stav (1) Pravilnika o radu, Upravni odbor donio

## **ODLUKU**

Žalba [REDAKCIJA] broj: 04-5950-1/21 od 01.11.2021.godine, odbacuje se kao preuranjena.

## **TAČKA 5.**

**Razmatranje Prigovora [REDAKCIJA] broj: 04-6047-1/21 od 03.11.2021. godine na Obavijest broj: 01-4921-1-IV-6.39/21 od 25.10.2021.godine o prijemu u radni odnos na radno mjesto "Stručni saradnik" u Uredu za nastavu i studentska pitanja.**

Šef Službe za pravne, kadrovske i opšte poslove Šejla Fazlić, dipl.pravnik izvjestila je članove Upravnog odbora da je [REDAKCIJA], učesnik Konkursa za prijem u radni odnos na radno mjesto "Stručni saradnik" u Uredu za nastavu i studentska pitanja, blagovremeno izjavio prigovor Upravnom odboru, kao nadležnom organu, te ukratko izložila razloge iz kojih osporava Odluku o prijemu u radni odnos. Nakon održane diskusije Upravni odbor Univerziteta u Tuzli donio je

## **ZAKLJUČAK**

### **I**

Odlučivanje po Prigovoru [REDAKCIJA] broj: 04-6047-1/21 od 03.11.2021. godine na Odluku o prijemu u radni odnos broj: 01-4921-1-IV-5/21 od 25.10.2021. godine, odlaže se naredu sjednicu Upravnog odbora koja će se održati do 17.11.2021.godine.

### **II**

Traži se od Komisije za provođenje postupka izbora kandidata po Konkursu objavljenom u dnevnom listu "Dnevni avaz" od 28. i 29.08.2021. godine za prijem u radni odnos na radno mjesto "Stručni saradnik" u Uredu za nastavu i studentska pitanja na Univerzitetu u Tuzli da Upravnom odboru Univerziteta, najkasnije do 15.11.2021. godine, dostavi izjašnjenje na navode iz Prigovora [REDAKCIJA] broj: 04-6047-1/21 od 03.11.2021. godine.

## **TAČKA 6.**

### **Razno**

**6.1.Mišljenje resornog Ministarstva u vezi iznosa školarine i participacije na sva tri ciklusa studija za strane državljane i lica bez državljanstva.**

Predsjednik Upravnog odbora upoznao je članove Upravnog odbora da je u proteklom periodu od strane Upravnog odbora Univerziteta u Tuzli, uz prethodnu saglasnost Vlade Tuzlanskog kantona, donesena Odluka o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2021/22. godini (broj: 04-2880-1-1/21 od 14.06.2021. godine, broj: 04-4001-1-2/21 od 07.09.2021. godine i broj: 04- 5416-1-2/21 od 18.10.2021. godine), te da istovremeno, u pravnom prometu egzistira Odluke Vlade Tuzlanskog kantona o participaciji i troškovima prvog i integrisanog prvog i drugog ciklusa studija na fakultetima/Akademiji JU Univerzitet u Tuzli za studente koji ne posjeduju državljanstvo Bosne i Hercegovine ("Službene novine Tuzlanskog kantona", broj: 7/19).

Imajući u vidu zakonom propisane nadležnosti Upravnog odbora, zaključeno je da članovi Upravnog odbora iz reda osnivača zatraže mišljenje resornog Ministarstva da li je Upravni odbor u obavezi svojom odlukom normativno urediti pitanje školarine i participacije za sva tri ciklusa studija i za sve studente koji studiraju na Univerzitetu u Tuzli bez obzira na to da li su državljani Bosne i Hercegovine, strani državljani ili lica bez državljanstva, te da li to pitanje treba urediti odlukom generalnog karaktera koja se neće primjenjivati samo na pojedine akademske godine.

Sjednica je završila u 14 sati i 15 minuta.

ZAPISNIK SAČINILA

Šejla Fazlić, dipl.pravnik

UNIVERZITET U TUZLI

Broj: 04-6050-1/21

Tuzla, 09.11.2021. godine

PREDSJEDNIK  
UPRAVNOG ODBORA

dr.sci. Semir Ahmetbegović, vanr.prof.